

RCA ta batisa uniform dedica na muchanan special cu Down Syndroom

SOLITO- Diaranson atardi gerencia di On The Rocks a ricibi ekipo campeon tricolor division honor, RCA "Big Wheel Lottery powered by Powerade & KFC" cu a bini hunto cu nan sponsor y miembronan di directiva pa batisa e bunita uniform tricolor. E aña aki e uniform ta carga e logo di "Stichting Down Syndrom" riba schouder robes pa asina duna un atencion special na tur nos "Muchanan Special" di Aruba. Representante di Big Wheel Lottery Joanne Odor y representante di Tropical Bottling Company Willeke Kok como patrocinadonan di ekipo Hoofdklas di Solito a tene jersey nan nobo pa miembronan di directiva Marieta Leon y Yazmira Tromp basha Powerade riba e #34 como e aña 1934 cu sv RCA a ser funda. Directiva di SV RCA ta gradici e famia Odor-Kelly cu pa varios aña caba ta e patrocinado principal,

tambe na producto Powerade di TBC cu pa di cuatros aña ta forma parti y KFC cu e aña aki tambe a join e team campeon. E campeon di Aruba a sali cu cinco victoria den cinco wega di campeonato regular di A.V.B. y diabierna awor lo midi forza cu e fuerte ekipo campeon di Bonaire, Real Rincon. Un victoria diabierna riba "terra rinconero" lo pone RCA den final di Copa Interinsular 55 añi-



versario Real Rincon vs ganado di Real Juventus y Scherpenheuvel diadomingo anochi 7:30. Na tur persona cu kier bay apoya RCA aya na Bonaire, wega ta diabierna awor 27 november pa 9:30pm den "Stadion Antonio Trinidad" na Rincon. Tambe directiva ta informa cu division Dames RCA "Neutrogena" ta solido na prome luga y invicto, Junioren RCA "Welcome Back Snack" tambe ta na prome luga y invicto, division U18 mayor



RCA "Interprint" ta na di cuatro puesto, division U16 menor RCA "Insel Air" ta na prome luga invicto, division U14 RCA "Aruba Bank" ta na prome luga invicto. E aña aki RCA a expande su divisionnan infantil y asina ta haci e organisacion tricolor esun mas grandi den deporte na Aruba y Caribe Hulandes. Desde inicio campeonato 2015-2016 a habri Deportivo RCA mini- mini baby, mini baby, baby y lifida A. Mas di 70 mucha cu diariamente por ta riba veld hungando futbol cu colman di RCA. Esaki comision infantil ta logra pone riba pia banda di e ya gigantesco organisacion di RCA cu tin caba mas di 100 mucha bou 14 aña participando den Lifida. Asina aki RCA tin mas di 250 futbolista infantil/hubenil cu diariamente ta diberti di forma sano hungado futbol den Arena na Solito. Join nos facebook fan page sv RCA y friend page Rca pa Bida, pa asina bo keda na altura di tur schedule y resultado. #rcapabida □

